



異域志





成集書叢


編初

者編主  
五雲王

行發館書印務商



異 域 志



周致中纂集

本館據夷門廣牘  
本影印初編各叢  
書僅有此本

083  
112  
2:3273

異域志小序

異域志者得之雲間陳眉公惜  
多魯魚輒篝燈雋政壽之殺青  
以爲遊觀廣攬之助六合邈矣  
人居寰宇中以藉象印未至如  
瞿曇氏所云東勝西牛日月互

異之說糈米之於太倉也毫末  
之於馬體也夫豈欺我何智不  
一里卷而視山海之外遂為悅  
忽閟遽乎雅庶廣谷大川民生  
異似匈奴貴漢財物至馳逐射  
獵輒繒裂不可用而珠犀桂林

僂守僂失率為中國病夫使吾  
有守四夷閑玉闕無封狼居脊  
意則可泣九澗海之上若平城  
之不傷何事周知域外第相怵  
說為暇日以此質之陳眉公眉  
公曰子有遊攬之里而又有封

疆之慮君子謂之博而忠請與  
以異域為玩而眷固吾國知異  
域何害乎梓之

萬曆丁酉上元嘉禾梅墟山人

周履清書





異域志目錄

上卷

扶桑國

長生國

朝鮮國

日本國

契人

緬人

木蘭史國

韃靼

黑契丹

乞黑奚國

土麻

女暮樂

阿里車盧

波利國

滅吉里國

果魯果訛

無連蒙古

吾涼愛達

結賓郎國

七番

隴木郎

大食弼琶羅國

注輦國

娑羅國

女真

弩耳干

大野人

小野人

采牙金彪

鉄東國

烏衣國

歇祭

退波

的刺普刺國

不刺

回鶻

吐蕃

于闐國

大食勿拔國

大闌婆

東印度國

蘇都識匿國

龜茲國

馬耆國

馬耳打班

入不國

西南夷

西蕃

鳩尼羅國

沙彌茶國

蒲甘國

斯伽里野國

崑崙層期國

暹羅國

虎六母思

鄆羅

蘇門答刺

西洋國

烏伏部國

真臘國

西棚國

爪哇國

道明國

近佛國

散毛

交州

大琉球國

小琉球國

占城

伯夷國

三佛馱國

可只國

馬羅國

印都丹

黑暗國

天際國

即天門國

天竺國

大食無斯離國

下卷

撒母耳干

訶條國

眉路骨國

藏國

勿斯里國

南尼華羅國

乾駝國

頻遜國

白達國

吉慈尼國

阿薩部

婆弥爛國

麻離拔國

單馬令

昆吾國

三佛齊國

婆登國

佛羅安國

麻嘉國

默伽臘國

破臨國

大食國

日蒙國

麻阿塔

方連魯蠻

訛魯

大秦國

骨利國

孝臆國

新千里國

玉瑞國

擔波國

悄國

三蠻國

奇朧國

登流眉國

阿陵國

義渠國

烏婁國

撥拔力國

波斯國

晏陀蠻國

默伽國

胡鬼國

賓童龍國

獠

木直夷

潦查 俗呼老扒

紅夷

女人國

後眼國

阿黑驕

盤瓠

狗國

敢人國

囉囉

阿丹

沙華公國

莆家龍

昏吾散僧



黑蒙國

蜒蠻

五溪蠻

生黎

熟黎

苗

洞蠻

都播國

無腹國

無脊國

穿胃國

烏孫國

丁靈國

柔利國

羽民國

小人國

聶耳國

交頸國

長臂人

懸渡國

猴孫國

婆羅遮國

緞濮國

文身國

大漢國

長人國

三首國

三身國

一臂國

一目國

長腳國

長毛國

氏人國

南羅國

赤上國

般番國

日國

白花國

淳泥國

奔沱浪國

陀盤地國

奇羅國

石樸國

湓亨國

白杞國

賀屹羅國

鄂嶠國

詹波羅國

丁香國

莆黃國

羅殿國

地竦國

地越國

迷離國

三泊國

麻蘭國

火山國

師魚國

彌舍國

紅蘭國

衣裏國

蘭無里國

地生國

黑間國

異域志目錄終

異域志卷之上

元江陵處士周致中第

嘉禾梅墟周履靖

明


華亭肩公陳繼儒

同校

金陵荆山書林梓行

扶桑國

在日本之東南大漢國之正東無城郭民作板屋以居風俗與太古無異人無機心麋鹿與之相親人食其乳則壽罕疾得太陽所出生烝之



所薰灸故也然其東極清陽光能使萬物受其氣者草木尚榮而不悴况其人乎

長生國

其國在穿胷國之東秦人曾至其國其人長大而色黑有數百歲不死者其容若少其地有不死樹食之則壽有赤泉飲之不老蓋其國乃在天地靈氣之所鍾神明秀氣之所蔭凡草木鳥獸皆壽何況人乎

朝鮮國

古朝仙一曰高麗在東北海濱周封箕子之國  
以商人五千從之其醫巫卜筮百工技藝禮樂  
詩書皆從中國衣冠隨中國各朝制度用中國  
正朔王子入中國太學讀書風俗華美人性淳  
厚地方東西三千南北六千王居開城府依山  
爲官曰神窩民舍多茅茨鮮陶瓦以樂浪爲東  
京百濟金州爲西京有郡百八十鎮三百九十  
洲島三十以肅綠江爲西固東南至明州海皆  
絕碧至洋則黑海人謂無底谷也

日本國

在大海島中島方千里卽倭國也其國乃徐福所領童男女始創之國時福所帶之人百工技藝醫巫卜筮皆全福因避秦之暴虐已有遁去不返之意遂爲國焉而中國詩書遂畱於此故其人多尚作詩寫字自唐方入中國爲商始有奉胡教者王乃髡髮爲桑門穿唐僧衣其國人皆髡髮孝服則畱頭

棘人



名焦僥按許氏說文曰僇字從其人在四夷爲最生居坤地頗順其性故名以人字傍名之也其國則中慶威武大理永昌等府是也今滇南者皆是焉

緬人

在大理西南行五十日程可至種類甚衆與僇人相隣其人以大被爲衣古稱窮荒之國是也因知中國之制頗效之故其風俗似囉囉其性狼悍貴勇尚戰鬪

### 木蘭皮國

其國乃陽盛之方生物甚旺在大食國西有巨海國之西有國不可勝數可至者惟木蘭皮耳自陀盤地國發舟正西涉海百日而至一舟容數百人中 有酒食肆機杼之屬其國所產麥一粒長三寸瓜圍四五尺楸一顆重五斤桃二斤菜長三四尺穿井百丈方見泉胡羊高三四尺尾大如扇春則剖腹取膏數十斤再縫而能復活藥線縫之功也華佗之術出於此

韃靼

一名匈奴一名單于一名獬狃一名突厥一名  
儵鬻一名契丹一名羗胡一名蒙古種類甚多  
其風俗以鞍馬爲家水飲草宿無城郭房屋地  
產羊馬駝牛專以射獵爲生無布帛衣毛革俗  
無鰥寡孤獨之人

包石 阿思 歪刺 巴赤吉

以上四國同

黑契丹

其國有城池房屋耕種牧養爲活出產羊馬與

韃靼不同風俗頗類家室頗富不與韃靼相往來女直金人名馬會者曾至其國

乞黑奚國

民皆野處水飲草宿射獵爲活與韃靼同與木思奚德國同

土麻

其國人烟至煩似韃靼出羊馬耕種射獵風俗與西番同

女暮樂

有城池房屋人煙至多衣毛革畜牛羊種田射  
獵爲活韃靼曾到

阿里車盧

其城在山林中種田牧放爲活人似韃靼與深  
烈大國同

波利國

多林木無城池有房屋人種田爲生曾與韃靼  
爲商

滅吉里國

人烟極多言語風俗皆與韃靼同其國近西戎  
擺里荒國 大羅國皆與韃靼同二國種  
類相似皆以鞍馬射獵爲生

果魯果訛

有城池種五穀出良馬卽西胡之種比胡人有  
家業不水飲草宿

無連蒙古

在海島中有城池房屋其人頗富出貂鼠其國  
近西蕃

吾涼愛達

輿鞮鞞同種又在東北上分界民皆在山林所  
住有野馬無牛羊打魚食馬乳過日

結賓郎國

有城池種田黃頭仙人成道處與西戎相近好  
神鬼事奉佛者多

七番

耕山種田出駝牛類北胡卽西番種俗謂野西  
番是也

隴木郎

有城一座昔日番王建都於此有百姓住坐地土廣人頗富乃西戎之國也

大食弼琶羅國

有州四座無國主唯主豪更互主事如婚嫁取有孕牛尾爲信候牛生犢時始還娶妻須要男家割陽物曰人尾來以爲聘禮女家還元割牛尾期信女家得之甚喜以鼓樂迎之地產駱駝鶴長六七尺有翼能飛食雜物或燒赤熱銅鐵



與之食生卵如椰子破之如瓮瓮有聲國人好  
獵日射獸而食

注輦國

西胡南印度也自故臨易舟行而去有象六萬  
背立屋載勇士以金銀爲錢國人尚氣輕生不  
同金而爨亦不共器而食

娑羅國

國人狼戾可畏男女皆佩刃而行但與人不睦  
卽刺殺之奔走他所一月之內得獲則償命一

月之外出者不論若他國人至捫其婦人乳者  
自喜曰你愛我若有私意卽出刃刺殺之

女真

在烏綠之陽長北山之下古肅慎氏之國也始  
因新羅人完顏氏者奔於國遂家焉地多產金  
故女真阿古荅稱帝國號大金其國人皆以魚  
鹿之皮爲衣風俗好歌舞肘膝常帶利刃晝夜  
不解輕生重死好戰鬪無畏所惧者惟野人與  
野人爲親者卽刺其面

弩耳干

在女真之東北與狗國相近其地極寒雪深丈餘衣狗皮食狗肉養狗如中國人養羊不種田捕魚爲生其年魚多謂之好收出海青產白鹿有一獸人莫能見常有蛻下之骨角如龍骨相似

大野人

國有大山林男子奶長如瓠曾韃韃追趕至將奶搭在手上奔走會人言食葉卽野人同

小野人

在女真之北性狠戾不畏生死以殺死爲吉祥  
病終爲不利父子相殺以爲常焉種類以黥面  
爲號

采牙金彪

係西番木波人其國頗富有出產尚財利爲番  
商者多罕入中國

鐵東國

其國人甚富出駝馬牛羊與西番相類卽西番

之種土番是也

烏衣國

在韃靼黑海之北鎮撫爬刺曾到言其人皆衣  
黑衣戴大黑巾拖至膝腕不令他國人見其面  
常帶刀行有見面者卽殺死其國甚富所賣之  
物皆懸於市蓬之上他國人欲買者以物拴其  
上方可換上價少卽追而殺之人稱燕子有烏  
衣國非也

歇祭

其國皆平地多林木有房舍人耕種爲活出良  
馬人黃眼黃毛髮卽黃達子專務劫掠回回諸  
國商貨

退波

係黑和尚有城池房舍出羊馬林木甚多與西  
戎相隣酋長皆是刺麻王之

的刺普刺國

有城池民種田出明珠異寶番國皆往彼國買  
賣者多與撒母耳干境相連

不刺

係西蕃出羊馬人狠惡尚戰鬪罕與諸國通

回鶻

其先本匈奴臣於突厥突厥資其財力雄北荒  
大業中自稱回紇子曰菩薩突厥亡惟回紇最  
強菩薩死其酋與諸部攻薛延陀殘之并有其  
地

吐蕃

吐蕃本西羌居祈支水西蕃發聲近故其子孫

曰吐蕃而姓勃罕野其俗謂強雄曰贊大夫曰  
普故號君長曰贊普其後有君長曰論贊曰弄  
贊

于闐國

在西戎釋氏之國婦人衫袴束帶與男子同死  
者以火化之收骨而葬也佛書云佛見鴈死於  
地以沙葬之後因之以沙爲塚數層胡稱曰鴈  
塔凡人死者其骨共葬一塔各依長幼而葬居  
喪者剪髮長四寸後佛涅槃循其故事亦以沙



爲塚其塔自此始

大食勿拔國

其國邊海天氣暖甚出乳香樹逐日用刀斫樹皮取乳每年春未有飛禽自天而降如白絲鷄肥而味佳有大魚高二丈餘長十丈餘人不敢食剝膏爲油筋可作屋桁脊骨可作門扇骨節爲春臼又有龍涎成塊泊岸人競取爲貨賣

大闍婆

其國王孫始因雷震石裂有一人出後立爲王

其子孫尚存產青鹽綿羊鸚鵡玳珠寶貝又言  
其國中有飛頭者其人目無瞳子其頭能飛其  
俗所祠名曰虫落因號落民漢武帝時因墀國  
使南方有解形之民能先使頭飛南海左手飛  
東海右手飛西澤至暮頭還肩上兩手遇疾風  
飄於海水外

東印度國

人性強獷好殺伐以戰死爲吉利以善終爲不  
祥昔周伯陽父惡其克殺化之見周書至周莊

王九年四月八日恆星不見星隕如雨是夜釋  
氏生能修性宗教國人宗之稱名曰佛蓋佛者  
如中國稱神彼皆稱佛漢明帝時其法流入中  
國晉明帝時其法大行

蘇都識匿國

國名夜叉有野人窟人近窟住者五百餘家窟  
口作舍設闕簷一年再祭人有通窟口烟氣出  
先觸者死因以屍擲窟口其窟不知深淺其人  
皆如夜叉

龜茲國

漢武帝兵曾至其國每至元日鬪牛馬駝爲戲  
七日觀勝負以占一年羊馬繁息勝者則旺

馬耆國

每於十月十日王出首領家首領騎王馬一日  
一夜處分王事十月十四日作樂至元日王及  
首領分爲兩朋各出一人着甲東西互擊甲人  
先死卽止以占當年豐儉

馬耳打班

其人與回回同食鼠初生未開眼者爲上進王則爲孝順

入不國

有城池種田出胡椒其地至卽熱南回回也其國頗富商賈之利

西南夷

國人椎髮跣足衣班花布披色氍背刀帶弩其人勇悍死而無悔西戎皆畏之

西番

卽鬼方武丁征鬼方三年克之人曰鬼陰類曰  
鬼戎曰犬戎無王子管轄無城池房舍多在山  
林內住食人肉其國人奉佛者皆稱刺麻

鳩尼羅國

與新千里國同此乃西蕃出佛牙石去處其石  
如朽骨妖妄者做成牙樣曰佛牙以誑人布施  
求其財利

沙彌茶國

乃太陽西沒之地有異人名狙葛尼到此遂立

文字每至晚日入聲若雷霆國王每於城上聚  
千人吹角鳴鑼擊鼓混雜日聲不然則人皆驚  
死漢有人至之

蒲甘國

其國至富自大理五千至其國自窰裏國六十  
程至之隔黑水淤泥河西番諸國不可通國王  
戴金冠金銀飾屋壁以錫爲瓦用華麗之甚

斯伽里野國

其地乃陰陽擊之方近蘆眉國山上有穴四季

出火國人扛大石千百斤納穴中須臾爆出皆碎五年一次火出其火流轉海邊復回所遇林木下燒遇石焚之如炭有神王之

崑崙層期國

其國地極熱在西南海上接海島飛則蔽日已能食駱駝昔有人拾其翎截管可作水桶有野人身如墨深鬚髮國人布食誘捉賣與番商作奴尚貨利也

暹羅國



國在海中民多作商尚利其名姓皆以中國儒  
名稱呼其風俗男子皆割陰嵌八寶人方以女  
妻之海中有一島島中之樹其花鬚一匙二筋  
狀如黑漆人用之飲食其油膩不能污若攪茶  
則化

虎六母思

其國在西南海中回紇之國其地至熱出番布  
珍寶與西洋國頗同

西洋國

在西南海中地產珊瑚寶石等物所織綿布絕  
細瑩潔如紙其人髡首以白布纏頭以金爲錢  
交易國人至富

烏伏部國

其國有土神於此化土蟒以濟饑渴遂立其國  
又與孔雀三啄雀滄泉以愈衆疾民稍富

真臘國

其國極熱卽南回回凡嫁娶女子九歲乃會親  
友令僧作佛事以指頭挑破女子童體以血點

於母額以爲利事嫁人夫婦和十歲卽嫁人與  
其妻通其夫卽喜國人爲盜卽斬手斷足或以  
火印烙記黥額死罪者以木椿穿其屍

西棚國

與真臘相隣風俗不同其國望見天有一竅極  
明土人稱天門

瓜哇國

古闍婆國也自泉州舶一月可到天無霜雪四  
時之氣常煥地產胡椒蘇木無城池兵甲無倉

廩府庫每遇時節國王與其屬馳馬執鎗校武  
勝者受賞親朋踴躍以爲喜傷死者其妻不顧  
而去飲食以木葉爲盛手撮而食宴會則男女  
列坐咲喧盡醉凡草虫之類盡皆烹食市賈皆  
婦人婚娶多論財夫喪不出旬日而適人與中  
國爲商往來不絕

道明國

與野人同國人不着衣服見着衣者卽共咲之  
俗無鹽鐵以竹弩射虫魚俗稱脫箇桂板者此

也

近佛國

其國人性與禽獸同在東南海上多野島蠻賊居之號麻囉奴商舶至其國羣起擒之以巨竹夾而燒食人頭爲食器父母死則召親戚搥鼓共食其屍肉非人類比也

散毛

種類甚多喜戰鬪不畏死其諸洞惟散毛洞最大

## 交州

按地輿志曰周曰駱越秦曰西甌故曰甌越漢曰安南杜氏通典曰交趾地產金出象出香風景與兩廣頗同 國朝以爲文禮之邦以元帝之二太子贅婿於陳氏以奉元祀焉

## 大琉球國

在建安之東去海五百里其國多山洞各部落酋長皆稱小王至生分彼此不和常入中國貢王子及陪臣皆入太學讀書

小琉球國

與大琉球國同其人麁俗少入中國風俗與倭夷相似

占城

漢置林邑郡其屬郡有賓童龍賓陀陵化州三舍城地方三千餘里南抵真臘北抵安南廣州順風八日可到國人多姓翁產名香犀象珍寶常爲歲貢王子入朝中國比安南不尚文墨尚戰聞喜師巫邪術其民有犯訟不能決者卽令

過鰐潭其潭有神魚能知人善惡理虧者魚卽食之

伯夷國

其國近雲南風俗與占城同人皆以墨刺其腿爲號養象如中國養羊馬其地出寶石名香

三佛馱國

在西南海中有山插環流千里名大鐵圍山人不可躋攀今古無人得到此天地設險之所也惟有一竅可入國人守之其海南皆不能入內



有良田珍寶出焉

可只國

西番出寶物處境與撒毋耳干相隣曰富貴番  
商不入中國

馬羅國

出異寶生頭香卽西戎之國其方多產寶物人  
至醜惡可畏

印都丹

其人身黑色地熱無雲出佛之處其國人多奉

佛而勇悍少有慈心風上故也

黑暗國

地產犀牛與回鶻同卽南海中回回也未嘗入  
中國其俗皆與西洋同

天際國

卽天門國

西棚國望見天有一痕明亮卽是其國也其國  
極富城池宮室皆如中國橋梁石柱皆用玉有  
華表二根皆瑪瑙產珍寶異香大槩天道左旋  
每一年一週天四極之際天光長多如骨利國

日長夜短是也其國一年天旋到此天光返照  
一遍國人謂之天門開非也

天竺國

國秦大秦國主悉由大秦選擇地產良馬俗皆  
編髮垂下兩髮以帛纏頭衫袴鞋襪國內有聖  
水能止風濤番商人等以琉璃瓶而盛之若遇  
濤酒之卽止與默伽國水同

大食無斯離國

出甘露秋露降暴之成糖霜食之甘美山有天

生果子名蒲蘆可採食次年復生名麻茶澤三  
年再生名沒石子產麥桃楸等物地窖之物數  
十年不壞

異域志卷之上 終

異域志卷之下

元江陵處士周致中纂集

明 嘉禾梅墟周履靖 同校

華亭眉公陳繼儒

金陵荆山書林梓行

撒母耳干

在西番回鶻之西其國極富麗城郭房屋皆與中國同其風景佳美有似江南繁富似中國商人至其國者多不思歸皆以金銀爲錢出寶石

珍玉良馬獅子

訶條國

近女真金遼山廟有石鼉如人飲食將盡向鼉作禮則飲食悉具其人多尚巫談禍福

眉路骨國

其國似佛有城七重上古有黑光石砌就有番人塚三百餘所胡稱曰塔一所高八十丈安三百六十房人以毛段爲衣肉麩爲食金銀爲錢地產砂摩挲石等物

藏國

其國有城池屋舍地產大柳木有五丈圍者一  
曰柳國其空樹中可容二十人

勿斯里國

其國百年不一雨止有天江不知其源水極其  
溢則四十日浸田水退而耕二年必有一白髮  
人從江水出坐於石上國人拜問吉凶其人  
不語若笑則年豐悲則饑疫良久復入水古有  
狙葛尼建廟頂上有鏡如他國盜兵來者先照見

之

南尼華羅國

國人好佛教尊牛屋壁皆塗牛糞以爲潔各家  
置壇以牛糞塗置花木焚香供佛路通西域常  
有輕來來劫閉門拒之數日絕糧而退番商到  
彼不得入室

乾駝國

其國乃尸毗王之倉庫之所倉爲火焚米皆焦  
至今尚存得一粒服之則終身無疾



頓遜國

國在海島上人將死親戚歌舞送於郭外有鳥如鷺飛來萬數家人避之其鳥食肉盡乃去卽燒骨沉水謂之鳥葬梁武帝時曾入貢

白達國

國王乃弗霞麻勿之子孫諸國用兵不侵敢犯豪民多珍寶食酥酪餅肉少魚菜產金銀玻璃等物人以雪布纏頭上卽回鶻之類

吉慈尼國

盤山爲城尚胡教禮拜堂百餘所出金銀金絲  
錦富民居住七層樓閣多畜牧駝馬地極寒春  
夏雪不消有雪蛆可食

阿薩部

同苗凡食生皆部其肉重疊之以石壓瀝汁稅  
波斯拂林等國米及草子釀於肉汁之中經數  
日變成酒飲之可醉喜歌舞

婆弥爛國

其國有山巉巖峻險上多猿今刑絕長大常暴

田種每年有二三十萬國中起春已後屯集兵  
與猿戰雖歲殺數萬不能盡其巢穴去金陵二  
萬五千五百五十里

### 麻離拔國

其國產異香龍涎珍珠玻璃犀角象牙珊瑚木  
香沒藥血竭阿魏蘇合香沒石子等貨皆大食  
國至此博易官豪以金線桃花帛纏頭以金銀  
爲錢交易常爲番商

### 單馬令

其國有酋長無王宋慶元間進金五壇金傘上柄元求其利不至國人多富尚寶貨則利爲酋豪

昆吾國

其國產寶鐵切玉如泥及火浣布其國累塹爲丘象浮圖有三層屍乾居上屍濕居下以近葬爲孝集大氈居中懸衣服綵哭祀之

三佛齊國

其國在南海之中自廣州發舶取正南半月可

到諸番水道之要衝以木柵爲城國人多姓蒲  
縛蒲浮水而官兵服藥刀箭不能傷人此霸於  
諸侯舊傳其國地面忽有一穴出生牛數萬人  
取食之後用竹木窒其穴乃紀產犀象珠璣異  
寶香藥之類

### 婆登國

其人與回鶻類在林邑之東西接迷離國南接  
訶陵種稻每月一熟有文字卽書於貝葉死者  
以金鉛貫於四肢後加婆律膏及沉檀龍腦積

薪以焚之

佛羅安國

自三佛齊國風帆四晝夜可到其國亦可遵陸  
有地主國有飛來銅神二箇一箇六臂一箇四  
臂六月十五日出生日如有他國人來劫掠大風  
驟作船不可進

麻嘉國

其國是土神麻霞勿出世處稱神爲佛廟後有  
神暮日夜常有光人不敢近皆合眼而走過也

默伽臘國

其國出珊瑚人用繩縛十字木以石沉水中棹船拖索而取謂鐵網取珊瑚

波臨國

與大食相近國人黑色好事弓弩中國船往大食必自故臨易小舟而去往返二年彼多爲盜

大食國

在海西南山谷間有樹枝上生花如人首不解語人借問惟笑而已頻笑輒落大食諸國之總

名有國千餘其屬甚多

日蒙國

其國有房舍種田出薑人似黑蒙國結束卽西戎風俗如回回

麻阿塔

其國有神名金剛民有城池種田卽西胡其人多奉佛爲刺麻者多

方連魯蠻

其人語話難曉人種田出驢馬風俗與野人相



似但有家業不水飲草宿耳

訛魯

人眼深髮黃壘木植爲屋宇巢居而已西胡犬  
戎之裔也與野人無異有巢居穴處之風

大秦國

西番之大國也番商萃此其王號麻羅弗以布  
帛織出金字纏頭地產珊瑚生金花錦縵布紅  
瑪瑙珍珠等物富甚

骨利國

在西北瀚海之中南望回鶻出良馬乃夫外地極際之所故日長而夜短日光於地下所照故也日沒後天色正燠煮羊方熟天已曙矣

孝臆國

在平州中以木爲柵周十餘里大柵五百餘所氣候常暖冬不凋落有羊馬無駝牛俗性質真好客旅軀貌長大褰鼻黃髮綠眼赤髭披髮面如血色戰具惟稍一色宜五穀出金鐵衣麻布有妖祠三千餘所馬步甲兵一萬不尚商販自

稱孝臆丈夫婦人俱佩帶每一日造食一月食之常喫宿食國無河井種植待雨出而生以紫鑽泥地承雨水用之

新千里國

出石似朽骨如牙奉佛者稱爲佛牙誑人此也與鳩尼國相隣

玉瑞國

其國產牛羊民種田有房舍與西番同富於西戎專行諸番爲商少入中國風俗與回回相類

擔波國

其國有城池民種田天氣常熱地無霜雪出獅子與回回無異有國君主之番商交於隣國

悄國

係西番人其狠專食五穀過活出牛羊馬與野人何異勇戰之士也少通隣國

三蠻國

其人不種田只食土死者埋之心肺肝皆不朽百年復化爲人一說與無啓國民相類與野人

俗同

奇脫國

其國西去玉門關一萬里其人一臂性至巧能  
作飛車乘風遠行湯王時西風久作車至豫州  
湯使人藏其車不以示民後十年東風大作乃  
令仍乘其車以還

登流眉國

真臘之屬郡堆髻纏帛蔽身每朝番五出座名  
曰登場衆番皆拜罷同座交手抱兩膊爲禮

阿陵國

真臘之南有國豎木爲城造大屋重閣以校皮  
蓋象牙爲床柳花爲酒以手撮食有毒常人同  
宿卽生瘡與女人交合則必死旅液着草木卽  
枯

義渠國

在大秦之西人死則燒之薰屍烟上謂之登烟  
霞出犀象寶貨其人與回鶻同

烏菴國

其國民有死罪不立殺刑惟徒之空山任其飲啄事涉疑似以藥服之清濁自驗隨事輕重而決之

撥拔力國

國在西南海中與野獸同止食肉常針牛畜取血和乳生飲之身無衣惟腰下用羊皮掩之

波斯國

其人矮小極黑以金花布縵身無城郭王以虎皮蒙執出則乘軟堯或騎象食餅肉出異寶等

物

晏陀蠻國

其國周圍七千里人如黑漆能食生人地無鐵  
唯磨蚌殼爲刃其國有一聖跡用渾金作床承  
一死人經代不朽常有巨蛇衛護其蛇毛長二  
尺人不敢近有一井一年兩次水溢流入海所  
過沙石經浸盡成金

默伽國

古係荒郊無人烟因大食國法師蒲羅吽娶妻



在荒野生一子無水可洗棄之地下其子以脚擦地湧出一泉甚清徹此子立名司麻烟砌成大井逢旱不乾泛海遇風波以此水洒之卽止

### 胡鬼國

其人身長大無馬步走手持一長柄斧其走如飛逐鹿如犬專以捕獵爲生元良河韃靼因逐鹿偶至其地爲其所執其胡鬼乃出遂殺其妻子而出胡鬼趕至河不能渡則止

### 賓童龍國

占城之屬郡地主出則騎象或馬打紅繖從者百人執盾贊唱曰亞或僕以葉盛飲食佛書言王舍城卽此地也今有目連舍基存焉

獠

在牂牁其婦人也七月生子死則豎棺埋之有打牙者謂打牙獠種類最多不可以人事處張獠難服

木直夷

在獠獠西以鹿角爲器其死則屈而燒之埋耳

後小骨類人黑如漆小寒則搭沙自處但出其  
面常入朝中國

潦查

俗呼老抓

其地產犀象金銀人性至狠下窩弓毒藥殺人  
其可笑者凡水漿之物不從口入以管於鼻中  
吸之大槩與象類同

紅夷

去交州不遠在其境與老抓占城皆交州唇齒  
之國其人不置衣皆以布絹纏其身首類凹鵝

不產鹽

女人國

其國乃純陰之地在東南海上水流數年一泛  
蓮開長丈許桃核長二尺昔有船舶飄落其國  
羣女攜以歸無不死者有一智者夜盜船得去  
遂傳其事女人遇南風裸形感風而生又云有  
奚部小如者部抵男其國無男照井而生曾有  
人獲至中國

後眼國

凡良河韃靼曾見不知國在何處其衣帽與胡人同項後有一目其性狠戾韃靼多畏之

阿黑驕

其國與野人同人烟最多盡在林木中住無羊馬孳畜射生打魚爲活

盤瓠

帝嚳高辛氏官中老婦耳內有瞳耳掏出如蘭以瓠盛之以盤覆之有頃化爲五色之犬因名瓠犬時有犬戎吳將軍寇邊帝曰得其頭吾以

女妻之瓠犬俄嚙人頭詣闕下乃吳將軍之首也帝不得已以女妻之瓠人負女入南山穴中三年生六男六女其母復以狀白帝於是帝封於長沙武陵蠻今其國人是其裔也

### 狗國

其國在女真之北乃陽消陰長之地得天地之氣駁雜不純婦人與人同穿衣能人言男子狗也不能語其音狗嗥不穿衣食生肉婦人食熟肉遼有商人曾至其國犬遇絕不令歸其妻與

筋十餘隻曰汝走數里可置一枚於地狗見必  
銜歸家汝方得脫爲善狗能護愛家物之意故  
也

### 敢人國

名烏許國按杜氏通典其國在南海之西南安  
南之北朗寧郡所管人生長子輒解而食之謂  
之宜弟味甘則獻其君君賞之謂之忠凡父母  
老則與隣人食之遺其骨而歸之其隣人之父  
母老亦還彼食之不令自死爲葬汚地食則死

後免在生之業凡娶妻美則讓其兄其人鬚頭  
跣足無衣以絹纏於身是其俗也

囉囉

卽古熱人之國也盤瓠之種音出於鼻性狠惡  
不畏死好食生髻長一尺向上以羶衫爲衣以  
女人爲首長曰母總官一人納百夫爲貴其令  
甚嚴刻木牌爲令

阿丹

其國與囉囉同乃西番種類盤瓠之裔也與雲



南四川之境相隣

沙華公國

卽海寇也其國在東南海中其人常出大海劫奪人賣之於閩婆國

莆家龍

南海之東廣州發船順風一月可到國王撮髻腦後人民剃頭以椰子撻木漿爲酒其色紅白而味極佳出胡椒檀香沉香丁香白荳蔻常入貢

昏吾散僧

在山林中人種田以食與西番同乃小部落之國也但有酋長王之

黑蒙國

其國至富有城池房舍民種田天氣常熱人穿五色錦袴其人多富尚侈靡

蜨蠻

今廣取珠之蜨戶是也蜨有三一爲魚蜨善舉網垂綸二爲蠟蜨善沒海取蠟三爲木蜨善伐

木取林槩極貧皆鶉衣得物米妻子共之

五溪蠻

卽洞蠻遇父母死行鼓踏歌飲宴一月盡產爲  
榔臨江高山鑿龕以葬三年不食鹽

生黎

在兩廣山谷中有洞蠻同科頭跣足短裙結帶  
頭上諸物皆插善強弩食生肉以猴爲鮓以鼠  
爲煎曰蜜啣啣其性凶悍不當差使

熟黎

近城邑者頗猶教化其俗與生黎同在廣西亦有州牧所屬

苗

種類最多凡草虫皆生食凡肉作令生蛆方食娶妻荅歌相合遂為夫婦父母老賣與人家為奴謂死後無罪

洞蠻

有土官掌之其人皆與廣西人同食蛇鼠為上等之饌以猴肉為鮮其人皆能下蠱殺人

都播國

與野人同類鐵勒之別種分爲三部自相統攝  
結草爲廬不知耕稼多百合取以爲糧衣貂鹿  
皮鳥羽爲服國無刑法盜者倍徵贓

無腹國

在海東南男女皆無腹肚其說恐謬無腹安能  
生育

無膂國

在東海中人無肥膂食土穴居男女死卽埋之

其心不朽百年化爲人錄民膝不朽埋之百二十年化爲人細民肝不朽埋之八年化爲人

穿胷國

在威海東胷有竅尊者去衣令卑者以竹木貫胷擡之俗謂防風氏之民因禹殺其君乃刺其故有是類

烏孫國

其國西有三瓜蠻有頭自地主種田身生長毛出虜掠百姓昔封烏孫公主之所

丁靈國

其國在海內人從膝下生毛馬蹄善走自鞭其脚一日可行三百里

柔利國

國人類妖非人比也曲膝向前一手一足山海經云在一目國東

羽民國

在海東南岸巘間有人長頰鳥喙赤目白首身生毛羽能飛不能遠似人而卵生穴處卽獸窟

蝠之類也

小人國

山海經曰東方有小人國名曰聃長九寸海鶴  
遇而吞之昔商人曾至海中見之乃在海尾間  
穴所也

聃耳國

其人與獸相類在無腹國東其人虎文耳長過  
腰手捧耳而行

交頸國



人脚脛曲而相交與鬼相類不正之氣也

長臂人

郎水中獸類同在海之東人垂手至地專食魚  
蝦昔有人在海中得一布衣袖各長丈餘

懸渡國

卽猿屬在烏菟之西山溪不通但引繩而渡土  
人佃於石間壘石爲室接手而飲互相牽引與  
獸同

猴孫國

卽抹刊刺國若有別國兵來衆猴防直有法卽不敢來侵犯與獸同類

婆羅遮國

其人猴面人身男女無晝夜歌舞八月十五日行像及透索爲戲猴屬也其種類皆以狗頭皮爲帽

繳濮國

國人有尾欲坐則先穿地作穴以安其尾如或誤折其尾卒然而死在永昌郡南二千里

文身國

其國極富專用實貨物至賤行不賚糧王居飾以金玉市用珍寶交易尚財利好作商凡人皆文其身多者為貴

大漢國

其國在大荒之中人鮮有到者無兵戈不攻戰衣毛革與文身國同而言語異即野人同

長人國

其人長三四丈昔明州二人泛海值霧昏風大

不知舟所向天稍開乃在島下登岸伐薪忽見  
一長人其行如飛二人急走至船上其長人入  
海追之遂前執船舟人用弩射而退方得脫  
國朝有使往遼陽因風其舟至其國其人拏其  
舟斬其一指大若人臂卽此國也

三首國

在夏后啓北其人一身三首無衣天地間之異  
氣也

三身國

在鑿齒國東其人一首三身非妖而何人罕見也俗傳有之

一臂國

在西海之北其人一目一孔一手一足半體比肩猶魚鳥相合

一目國

在北海外其人一目當其面而手足皆具也

長腳國

與長臂人類本同常負長臂入海捕魚非水

族之類而何

長毛國

國在玄股之北居大海中人短小面體皆有長毛被髮無衣與猩猩之屬同婦人做王有城池種田居穴中晉永嘉四年曾獲得之莫曉其語

氏人國

在建木西其狀人面魚身有手無足胷以上似人以下似魚能人言有羣類巢居穴處爲生有酋長

南羅國

管小國五十四處多產異寶

赤上國

按唐史自交州海行三月可到

般番國

按唐史其國有二十四州與狼牙接界交州海  
行四十日可到

日國

白花國

淳泥國

奔沱浪國

陀盤地國

奇羅國

石樸國

湓亨國

白札國

賀屹羅國

鄂嶠國

詹波羅國

丁香國

蒲黃國

羅殿國

地竦國

地域國

迷離國

三泊國

麻蘭國

火山國

師魚國

彌舍國

紅蘭國

宏裏國


蘭無里國

地生國

黑間國

已上三十一國其商不入

異域志 終





編主五龔王

編初成集書叢

志 域 異

中華民國二十五年六月初版

纂集者 周 致 中

發行人 王 雲 五  
上海河南路

印刷所 商 務 印 書 館  
上海河南路

發行所 商 務 印 書 館  
上海及各埠



3
4
3273